

pàillion; agus chaidh mic Gher-  
soin, agus mic Mherari air an  
aghaidh, a' giùlan a' phàillion.

18 Agus ghluais bratach  
champa Reubein air a h-aghaidh  
a réir an armailtean; agus air  
ceann a fhloigh *bha* Elifur mac  
Shedeur.

19 Agus air ceann fìoigh  
thréibh chloinn Shimeoin, *bha*  
Selumiel mac Shurifadai.

20 Agus air ceann fìoigh  
thréibh chloinn Ghad, *bha* Elia-  
saph mac Dheuil.

21 Agus chaidh na Cohataich  
air an aghaidh, a' giùlan an io-  
naid naomha, agus chuireadh  
suas am pàillion air cheann  
doibh teachd.

22 Agus ghluais bratach  
champa chloinn Ephraim air a  
h-aghaidh a réir an armailtean:  
agus air ceann a fhloigh, *bha*  
Elisama mac Amihuid.

23 Agus air ceann fìoigh  
thréibh chloinn Mhanaseh *bha*  
Camaliel mac Phedahfuir.

24 Agus air ceann fìoigh  
thréibh chloinn Bheniamin *bha*  
Abidan mac Ghideoni.

25 Agus chaidh bratach thréibh  
chloinn Dhan air a h-aghaidh,  
a *bha* air deireadh nan campan  
aile air feadh an fìoigh: agus  
air ceann a fhloigh *bha* Ahieser  
mac Amisadai.

26 Agus air ceann fìoigh  
thréibh chloinn Aseir, *bha* Pagiel  
mac Ocrain.

27 Agus air ceann fìoigh  
thréibh chloinn Naphtali, *bha*  
Abira mac Enain.

28 B' iad sin turusan chloinn  
Israeil, a réir an armailtean,

'nuair a ghluais iad air an agh-  
aidh.

29 Agus thubhairt Maois re  
Hobab mac Ragueil a' Mhidia-  
naich, athar-céile Mhaois, Tha  
sinn air ar turus a chum an àite  
m'an dubhairt Dia, Bheir mi  
dhuibh e: thig thusa maille  
ruinn, agus ni sinn math dhuit;  
oir labhair an Tighearna math  
a thaobh Israeil.

30 Agus thubhairt e ris, Cha  
d'théid mi *maille ribh*: ach i-  
michidh mi chum mo dhùthcha  
féin, agus a chum mo dhilsean<sup>a</sup>  
féin.

31 Agus thubhairt e, Na fag  
sinn, guidheam ort, oir tha fhios  
agad cionnus a champaicheas  
sinn anns an fhàfach, agus bith-  
idh tu dhuinn 'an àite shùl<sup>b</sup>.

32 Agus tarlaidh, ma théid  
thu maille ruinn, feadh tarlaidh,  
ge b'e math a ni Dia dhuinne,  
gu'n dean sinne am math ceudna  
dhuitse.

33 Agus dh'imich iad o shliabh<sup>c</sup>  
an Tighearna astar trì laithean:  
agus chaidh àire coi'-cheangail  
an Tighearna rompa astar trì  
laithean, a rannfachadh a mach  
àite tàimh dhoibh.

34 Agus *bha* neul an Tigh-  
earna orra 'fan là, 'nuair a  
chaidh iad amach as a' champa.

35 Agus tharla 'nuair a bha'n  
àire gu dol air a h-aghaidh, gu'n  
dubhairt Maois, Eirich suas,  
a Thighearna, agus biodh do  
naimhdean air an sgapadh, agus  
teicheadh a' mhuinntir leis am  
fuathach thu romhad.

36 Agus an uair a stad i,  
thubhairt e, Pill, a Thighearna,  
chum

<sup>a</sup> mo chiinnich.

<sup>b</sup> cionnus a champaich sinn anns an fhàfach, agus bha thu

<sup>c</sup> bheinn.